

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/122, 09.12.2020թ.

Բողոք բերող անձ՝ «Քլինլայն» ՍՊԸ

Պատվիրատու՝ ՀՀ պետական եկամուտների կոմիտե

Գնման ընթացակարգի ծածկագիրը՝ «ՊԵԿ-ՀԲՄ-ԾՁԲ-20/2» հրատապ բաց մրցույթ,

«ՀՀՊԵԿ-ՀԲՄԾՁԲ-20/5» հրատապ բաց մրցույթ, «ՊԵԿ-ԳՀԾՁԲ-20/7» գնանշման հարցում

Գնման առարկան՝ Շենքերի մաքրման ծառայությունների ձեռքբերում,

բնակտարածությունների մաքրման ծառայությունների ձեռքբերում

Բողոքի պահանջը՝

1. Պարտավորեցնել վերոնշյալ գնման ընթացակարգերի գնահատող հանձնաժողովներին փոփոխություններ կատարել հրավերներում և գնային առաջարկների ներկայացման պահանջը համապատասխանեցնել Կարգի պահանջներին՝ այն է գնային առաջարկները ներկայացնել մեկ թվով պայմանագրի կատարման համար առաջարկվող ընդհանուր գնով,

2. Պարտավորեցնել ՀՀՊԵԿ-ՀԲՄԾՁԲ-20/5 ծածկագրով գնման ընթացակարգի գնահատող հանձնաժողովին փոփոխություններ կատարել հրավերում և շենքերի մաքրման ծառայությունները և բնակտարածությունների մաքրման ծառայությունները սահմանել որպես առանձին չափաբաժիններ:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Բողոք բերող՝ «Բլինլայն» ՍՊԸ
ՀՎՀՀ՝ 01847941
հասցե՝ ՀՀ, ք. Երևան, Պարոնյան 15, գր. 3
ն/ք՝ 000155945
հեռ՝ +374 99 059 590
էլ. փոստ՝ cleanline@inbox.ru

Պատվիրատու՝ ՀՀ պետական եկամուտների կոմիտե
հասցե՝ ՀՀ ք. Երևան, Խորենացու 3,7

գնման ընթացակարգի ծածկագրերը և առարկան՝
ՀՀ ՊԵԿ-ՀԲՄ-ԾՁԲ-20/2, ՊԵԿ-ԳՀԾՁԲ-20/049, ՀՀ ՊԵԿ-ՀԲՄԾՁԲ-20/5 և ՊԵԿ-ԳՀԾՁԲ-20/7
ՀՀ պետական եկամուտների կոմիտե կարիքների համար
բնակտարածությունների մաքրման ծառայություններ

ԲՈՂՈՔ

1. Բողոքի քննության համար էական նշանակություն ունեցող փաստական հանգամանքները.

- 1.1. ՀՀ պետական եկամուտների կոմիտեն 03.12.2020թ. և 04.12.2020թ. հրապարակել է համապատասխանաբար ՀՀ ՊԵԿ-ՀԲՄ-ԾՁԲ-20/2, ՊԵԿ-ԳՀԾՁԲ-20/049, ՀՀ ՊԵԿ-ՀԲՄԾՁԲ-20/5 և ՊԵԿ-ԳՀԾՁԲ-20/7 ծածկագրերով գնման ընթացակարգերը՝ իր կարիքների համար բնակտարածությունների մաքրման ծառայությունների ձեռքբերման նպատակով:
- 1.2. Վերոնշյալ ընթացակարգերի հրավերների համաձայն՝ մասնակիցները պետք է գնային առաջարկները ներկայացնեն նաև տոկոսային հարաբերակցությամբ:
- 1.3. ՀՀ ՊԵԿ-ՀԲՄԾՁԲ-20/5 ծածկագրով հրավերի մեկ չափաբաժնում արհեստականորեն միավորվել են տարբեր ծառայություններ:

2. Բողոքի փաստական և իրավական հիմնավորումները.

ՀՀ պետական եկամուտների կոմիտեի կողմից 2020 թվականի դեկտեմբերի 3-ին և 4-ին գնումների պաշտոնական տեղեկագրում հրապարակվել է համապատասխանաբար, ՀՀ ՊԵԿ-ՀԲՄ-ԾՁԲ-20/2, ՊԵԿ-ԳՀԾՁԲ-20/049, ՀՀ ՊԵԿ-ՀԲՄԾՁԲ-20/5 և ՊԵԿ-ԳՀԾՁԲ-20/7 ծածկագրերով գնման ընթացակարգերի հրավերները /այսուհետ՝ Հրավերներ/:

Հրավերների անբաժանելի մաս հանդիսացող պայմանագրի նախագծի հավելված N 1-ով ներկայացված տեխնիկական բնութագիր-գնման ժամանակացույցի համաձայն՝ մասնակիցը իր կողմից հաստատված՝ ծառայությունների միավոր գներով լրացված աղյուսակը լրացնելիս պետք է հաշվի առնի աղյուսակի ծառայությունների համար սահմանված առավելագույն տոկոսային կշիռները: Ընդ որում կշիռները կիրառվում են մասնակցի կողմից ներկայացված գնային առաջարկի նկատմամբ՝ նկատի ունենալով, որ շեղումը չի կարող

ավել կամ պակաս լինել հրավերով կցված ծառայությունների մատուցման համար սահմանված կշռի չափի 10%-ից:

ՀՀ սահմանադրության 5-րդ հոդվածի համաձայն՝ պետական մարմինները և պաշտոնատար անձինք իրավասու են կատարել միայն այնպիսի գործողություններ, որոնց համար լիազորված են օրենսդրությամբ:

ՀՀ կառավարության 04/05/2017թ. թիվ 526-Ն որոշմամբ հաստատված «<Գնումների գործընթացի կազմակերպման>> կարգի /այսուհետ նաև Կարգ/ 32-րդ կետի՝

1/ 3-րդ ենթակետի ա/ պարբերության համաձայն՝ հրավերով նախատեսվում է նաև, որ շինարարական ծրագրերի գնման դեպքում մասնակիցը ներկայացնում է նաև իր կողմից՝ հաստատված՝ լրացված ծավալաթերթ-նախահաշիվ, հաշվի առնելով հրավերին կցված ծավալաթերթով ըստ աշխատանքների նախահաշվային բաժինների համար սահմանված առավելագույն կշիռները: Ընդ որում կշիռները կիրառվում են մասնակցի առաջարկած ընդհանուր գնային առաջարկի նկատմամբ, նկատի ունենալով, որ շեղումը չի կարող ավել կամ պակաս լինել հրավերին կցված ծավալաթերթով տվյալ բաժնի համար սահմանված կշռի չափի տասը տոկոսից,

2/ 8-րդ ենթակետի համաձայն՝ հրավերով նախատեսվում է նաև, որ՝ եթե պայմանագրի գինը կայուն է, ապա մասնակիցը գնային առաջարկը ներկայացնում է մեկ թվով՝ պայմանագրի կատարման համար առաջարկվող ընդհանուր գնով:

Ելնելով վերոգրյալից գտնում ենք, որ Կարգի համաձայն՝ գնային առաջարկը տոկոսային կշիռներով ներկայացնելու պահանջ գնման ընթացակարգի հրավերով կարող է սահմանվել միայն շինարարական ծրագրերի գնման դեպքում:

Հետևաբար ՀՀ պետական եկամուտների կոմիտեի կողմից Հրավերներով սահմանված՝ գնային առաջարկները տոկոսային կշիռներով ներկայացնելու պահանջը հակասում է Կարգի, ինչպես նաև ՀՀ սահմանադրության պահանջներին, քանի որ տվյալ դեպքում գնման առարկան հանդիսանում է ոչ թե շինարարական ծրագրերի, այլ բնակտարածությունների մաքրման ծառայությունների գնումը:

Միաժամանակ հայտնում ենք նաև, որ ՀՀՊԵԿ-ՀԲՄՕՁԲ-20/5 ծածկագրով գնման ընթացակարգի հրավերը բաղկացած է երեք չափաբաժնից, իսկ յուրաքանչյուր չափաբաժնում միավորված են շենքերի մաքրման ծառայությունները և բնակտարածությունների մաքրման ծառայությունները, ինչը կարծում ենք հակասում է «<Գնումների մասին>> ՀՀ օրենքի 25-րդ հոդվածի 2-րդ մասի պահանջներին:

3. Բողոքի պահանջը.

Առաջնորդվելով վերոգրյալով և ղեկավարվելով «<Գնումների մասին>> ՀՀ օրենքի 46-րդ և 50-րդ հոդվածներով.

Խնդրում եմ

1/ Պարտավորեցնել վերոնշյալ գնման ընթացակարգերի գնահատող հանձնաժողովներին փոփոխություններ կատարել հրավերներում և գնային առաջարկների ներկայացման պահանջը համապատասխանեցնել Կարգի պահանջներին՝ այն է գնային առաջարկները ներկայացնել մեկ թվով՝ պայմանագրի կատարման համար առաջարկվող ընդհանուր գնով.

2/ Պարտավորեցնել ՀՀՊԵԿ-ՀԲՄՕՁԲ-20/5 ծածկագրով գնման ընթացակարգի գնահատող հանձնաժողովին փոփոխություններ կատարել հրավերում և շենքերի մաքրման

